

四庫全書

集部

欽定四庫全書

集部

御選歷代詩餘卷一百四至

六

詳校官中書臣潘有為

侍讀臣孫球覆勘

總校官進士臣朱鈞

校對官編修臣沈清藻

謄錄監生臣毛敬事

欽定四庫全書

御選歷代詩餘卷一百四

司經局洗馬掌局事兼翰林院修撰加二級臣王奕清奉

旨校刊

詞人姓氏

宋

李綱字伯紀邵武人政和二年進士欽宗立除兵部侍郎遷尚書右丞觀文殿學士尚書左僕射未幾落職高

宗朝歷官江西安撫大使卒贈少師謚忠定有梁溪詞
趙鼎字元鎮聞喜人崇寧初舉進士累官尚書左僕射
同中書門下平章事兼樞密院使贈太傅謚忠簡追封
豐國公有得全居士集詞一卷

歐陽澈字德明崇仁人建炎初與太學生陳東同伏闕
上書力詆用事者遂為黃潛善等所陷紹興間追贈朝
奉郎祕閣修撰著有飄然集六卷

岳飛字鵬舉相州湯陰人初為秉義郎見知於宗澤張

所累官至武勝定國軍節度使開府儀同三司湖北京
西宣撫使兼營田大使召還為少保樞密副使謚武穆
改謚忠武追封鄂王

向子諲字伯恭臨江人敏中之後以欽聖憲肅皇后從
姪恩補假承奉郎建炎初遷直龍圖閣江淮發運副使
為黃潛善所斥尋起知潭州累遷戶部侍郎以徽猷閣
直學士知平江府復忤秦檜罷歸卜築清江顏其堂曰
薌林自號薌林居士有酒邊集詞四卷

卷一百四
葉夢得字少蘊吳縣人紹聖四年進士累官翰林學士
兼侍讀進戶部尚書以崇信軍節度使致仕自號石林
居士卒贈檢校少保有建康集石林詞一卷

沈瀛字子壽吳興人少入太學歷仕四十餘年絀於王
官再入郡三佐帥幕有竹齋詞一卷葉適序之

李邴字漢老任城人崇寧五年進士紹興初參知政事
授資政殿學士謚文昭有雲龕草堂集

汪藻字彥章婺源人登進士第歷官中書舍人兼直學

士院擢給事中遷兵部侍郎兼侍講進翰林學士高宗嘗以所御白團扇書紫誥仍兼縮黃麻似六經十字賜之有浮溪文粹附詞一卷

曾紆字公衮南豐人布之子假守潤州入為司農少卿直寶文閣出知秀州又知衢州有空青集

徐俯字師川分寧人黃庭堅之甥紹聖間召至京由通直郎歷官右諫議大夫紹興初賜進士出身累遷至端明殿學士簽書樞密院事權參知政事有東湖集

陳與義字去非號簡齋慥之孫本蜀人後徙居河南葉縣政和中登上舍甲科紹興中累官翰林學士知制誥進參知政事有簡齋集無住詞一卷

劉一止字行簡歸安人登宣和三年進士紹興中官監察御史累遷給事中以直學士致仕有茗溪詞一卷

王庭珪字民瞻廬陵人登政和八年進士調衡州茶陵丞不就築草堂於廬溪因以自號以送胡銓詩觸秦檜怒流夜郎後召還除國子監主簿進直敷文閣有廬溪

集詞二卷

李彌遜字似之號筠溪翁吳縣人大觀三年登進士第累官起居郎試中書舍人再試戶部侍郎以爭和議忤秦檜意乞歸遂以徽猷閣直學士知端州改知漳州晚歲隱連江西山有筠溪集

朱翌字新仲龍舒人政和中進士歷官中書待制有瀟山集

張元幹字仲宗三山人太學上舍紹興中坐送胡銓及

寄李綱詞除名自號蘆川居士有歸來集蘆川詞一卷
洪皓字光弼樂平人第進士建炎中以徽猷閣待制假
禮部尚書充通問使留金十五年歸除徽猷閣直學士
提舉萬壽觀兼權直學士院忤秦檜謫濠州團練副使
安置英州後徙袁州卒謚忠宣

呂本中字居仁其先河南人父好問從高宗南渡卜居
金華遂為金華人以恩授承務郎遷祠部員外紹興六
年召試賜進士累遷中書舍人兼侍讀權直學士院以

草趙鼎制忤秦檜意諷御史劾之罷職提舉太平觀卒
謚文清所著有江西詩派圖及紫薇詩話行於世

鄧肅字志宏延平人入太學高宗召對擢為左正言居
諫垣不三月抗二十疏會李綱罷爭之力亦罷歸所著
有栢欄集詞一卷

劉子翬字彥冲崇安人以父鞫任授承務郎通判興化
軍辭不就歸隱武夷山學者稱為屏山先生有屏山集

附詞

張掄字材甫南渡故老與曾覲同知閣門事自號蓮社居士有蓮社詞一卷

朱敦儒字希真一作希直洛陽人紹興二年以薦授迪功郎賜進士出身除祕書省正字兼兵部郎官遷兩浙東路提點刑獄上疏乞歸居嘉禾晚年起為鴻臚少卿有詞三卷名樵歌

康與之字伯可號順菴渡江初以樂府受知高宗官郎中有順菴樂府五卷

吳億字大年蘄春人父擇仁官尚書億於南渡初為靖江倅居餘干著有溪園自怡集

曾覲字純甫汴人紹興中以寄班祇候與龍大淵同為建王內知客孝宗受禪以潛邸舊人除權知閣門事淳熙初進武泰軍節度使開府儀同三司加少保領醴泉觀使有海野詞三卷

閻蒼舒蜀人官侍郎嘗北使汴京

左譽字與言天台人登第後棄官為浮屠所著詞名筠

翁長短句

陸凝之字永仲號石室餘杭人高宗朝以布衣召見辭
不赴

楊无咎字補之清江人高宗朝累徵不起自號清夷長
老有逃禪詞三卷

阮閱字閱休一作閱字閱休建炎初知袁州致仕寓居
宜春著詩話總龜

侯寘字彥周東武人晁說之甥紹興中以直學士知建

康府有嬾窟詞一卷

曾慥字端伯官至太府卿退居銀峰著類說五十卷又有皇宋詩選樂府雅詞諸書

曾惇字咄父知台州有詞一卷

朱雍紹興中召試賢良有梅詞二卷

姚進道華亭人

胡舜陟字汝明績溪人登大觀三年進士第歷任州縣擢為監察御史建炎己酉以待制帥建康與右丞杜充

不協移兩浙宣撫司參謀官尋起知杭州建炎中以集
英殿修撰知廬州累官廣西路經畧使提舉太平觀為
秦檜所陷追贈少師

胡仔字仲任舜陟子寓居吳興號茗溪漁隱宣和間官
建安主簿有漁隱叢話百卷

劉之翰荆南人官峽州遠安主簿

張綱字彥正金壇人政和四年以上舍及第釋褐授承
事郎徽宗知綱三中首選特命除太學正遷博士擢校

書郎歷遷至給事中進徽猷閣待制致仕歸紹興中累
召為參知政事卒謚文定改謚章簡嘗自號華陽老人
所著詞名華陽老人長短句

江緯

倪偁字文舉吳興人紹興八年進士官太常寺主簿有
綺竹詞一卷

辛棄疾字幼安歷城人耿京聚兵山東節制忠義軍馬
留掌書記今奉表南歸高宗召見授承務郎累官浙東

安撫使加龍圖閣待制進樞密都承旨德祐初以謝枋
得請贈少師諡忠敏有稼軒長短句十二卷傳於世

范成大字致能一字至能吳郡人紹興中擢進士第累
官權吏部尚書參知政事嘗帥蜀繼帥廣西復帥金陵
進資政殿學士領洞霄宮加大學士退居石湖之上自
稱石湖居士卒諡文穆有石湖集詞一卷

陳三聘字夢弼吳郡人嘗和范成大詞數百首為時所
稱

黃公度字思憲莆陽人紹興八年進士第一除秘書省
正字秦檜誣以事罷歸後官至尚書考功員外郎有知
稼翁集詞一卷子沃編輯行世

葛立方字常之丹陽人勝仲之子與弟立象同登紹興
八年進士歷官吏部侍郎有歸愚詞一卷

姚寬字令威剡川人待制舜明之子官六部監門有西
溪居士樂府一卷

張孝祥字安國號于湖歷陽人紹興二十四年廷試第

金少府 卷一百四
一累遷至中書舍人直學士院兼都督府參贊軍事領
建康留守尋以荆南湖北路安撫使請祠進顯謨閣直
學士致仕有于湖詞一卷

王十朋字龜齡樂清人紹興二十七年對策高宗親擢
第一除著作郎簽判紹興府遷大宗正丞請祠歸孝宗
立起知嚴州累遷侍御史國子司業陞侍講進吏部侍
郎出知饒夔湖三州除太子詹事以龍圖閣學士致仕
謚忠文有梅溪集

程垓字正伯，眉山人。與蘇軾為中表兄弟，有書、舟、雅、詞一卷。王偁序之，行世。

韓元吉字无咎，號南澗，許昌人。門下侍郎維之四世孫。官至吏部尚書。有焦尾集一卷。

周必大，字子充，一字弘道，廬陵人。登紹興二十一年進士。復中博學宏詞科。召試館職，授祕書省正字。累遷至監察御史。孝宗朝，歷官左丞相。光宗立，進少保，封益國公。贈太師。謚文忠。所著有平園集二百卷、近體樂府一

卷

高登字彥先漳浦人宣和間為太學生紹興二年廷對
授富川主簿遷古田縣令後以事忤秦檜編管漳州紹
興末起為迪功郎有東溪集二十卷

京鏜字仲遠豫章人登紹興二十七年進士第由縣令
擢御史遷右司郎中出為四川安撫使進刑部尚書慶
元初拜左丞相贈太保謚文穆改謚文忠復改莊定有
松坡居士樂府一卷

尤袤字延之無錫人入太學以詞賦冠多士尋冠南宮
紹興十八年擢進士第累官至禮部尚書正奉大夫贈
光祿大夫謚文簡有梁溪集

仲并字彌性江都人紹興壬子進士授平江教授改左
承奉郎歷光祿寺丞終朝請大夫淮東安撫司參議有
浮山集十六卷

御選歷代詩餘卷一百四

欽定四庫全書

御選歷代詩餘卷一百五

司經局洗馬掌局事兼翰林院修撰加二級臣王奕清奉

旨校刊

詞人姓氏

宋

朱熹字元晦一字仲晦婺源人少依父友劉子翬寓建安後徙建陽之考亭從李侗諸儒遊盡得程氏之學登

紹興進士第歷事高孝光寧四朝累官轉運副使崇政
殿說書煥章閣待制致仕築室武夷山下集生徒講論
其中卒贈太師封信國公改封徽國謚曰文有晦菴詞
一卷

真德秀字景元更字景希浦城人登慶元進士第授南
劍州判官復中博學宏詞科名試學士院除祕書省正
字歷官兵部尚書翰林學士知制誥拜參知政事卒贈
銀青光祿大夫謚文忠著大學衍義四十三卷學者稱

為西山先生

魏了翁字華甫浦江人慶元元年登進士開禧初以武學博士對策諫開邊事御史徐相劾其狂妄遂辭去築室白鶴山下授徒講學嘉定末除起居郎歷任州郡入朝權工部侍郎旋貶靖州理宗親政召還命直學士院累擢端明殿學士同簽書樞密院事開府江州督視江淮京湖軍馬御書唐人送嚴武詩及鶴山書院四大字賜之尋召還屢疏乞歸以資政殿學士致仕卒謚文清

追贈秦國公有鶴山詞一卷

程大昌字泰之休寧人紹興二十一年第進士擢太平州教授孝宗即位累遷著作佐郎國子司業兼權禮部侍郎直學士院權吏部尚書出知泉明二州以龍圖閣學士致仕謚文簡

趙汝愚字子直漢恭憲王元佐七世孫家饒之餘干縣隆興三年登進士第一授簽書寧國軍節度判官累遷至吏部尚書知樞密院事寧宗立進光祿大夫右丞相

為韓侂胄所忌諷李沐勅之以觀文殿大學士出知福州旋罷職提舉洞霄宮慶元元年責授寧遠軍節度副使永州安置理宗朝追贈太師封沂國公進封周王謚忠定圖其像於昭勲崇德閣

洪适字景伯樂平人皓之長子紹興十二年與弟遵同舉博學宏詞科歷官司農少卿權直學士院進尚書右僕射同中書門下平章事兼樞密使加觀文殿大學士乞休歸家居十六年以著述吟詠自娛卒謚文惠有盤

洲集詞二卷

洪邁字景廬皓之季子紹興十五年登第累遷至吏部郎敷文閣待制與修國史進直學士院講讀官以端明殿學士致仕謚文敏

曹冠字宗臣東陽人居秦檜門下教其孫壻與壻同登甲科未幾坐為壻假手事覺奪官易前名復赴廷試仕至知彬州所著樂府名燕喜集

呂勝已字季克渭川人嘗為沅州守部使者忌之中以

事罷歸有別業一洲可五百畝植花竹其上號小渭川
作渭川行樂詞

姚述堯錢塘人有簫臺公餘詞一卷

湯思退字進之處州人紹興中以縣令試博學宏詞科
除祕書省正字累官端明殿學士簽書樞密院事進知
樞密院事拜尚書左僕射淳熙末太學生張觀等上書
論之謫永州安置

王之望字瞻叔襄陽人後寓台州初以廕補官紹興八

年登進士第歷官至參知政事加資政殿大學士出知
温州尋罷歸有漢濱集六十卷

魏杞字南夫壽春人紹興十二年進士知涇縣召對擢
太府寺主簿累遷宗正少卿充金國通問使還擢給事
中同知樞密院事進參知政事右僕射兼樞密使乾道
丁亥免官嘉泰中追謚文節

牟獻字獻甫吳興人歷官至大理少卿有陵陽先生集
王自中字道甫平陽人淳熙中登進士乙科官懷寧主

簿分水令中書舍人王藺薦其才名對稱旨改籍田令
遷通判郢州道知光化軍光宗朝名為郎固辭命知信
州再知邵州終知興化軍

丘宓字宗卿江陰軍人隆興元年進士授建康府觀察
推官光宗立除四川安撫制置使兼知成都府累遷至
資政殿學士同知樞密院事卒謚文定有文定詞一卷
姜特立字邦傑麗水人以恩補承信郎淳熙中累遷福
建路兵馬副都監除閤門舍人充左右春坊光宗即位

除知閤門事為留正所論奪職寧宗朝拜慶遠軍節度使有梅山續稿詞一卷

吳微字益恭休寧人紹興二十七年登進士調明州鄞縣尉歷官奉議郎淳熙初通判邕州任滿入對即擢知州事兼廣南西路安撫都監以親老請祠得主管台州崇道觀轉朝散郎致仕寶祐中追謚文肅有竹洲集詞一卷

趙礪老字渭師東平人娶歐陽懋女以懋待制恩補官

從范成大使北還擢知臨安府坐事謫饒州有拙菴雜著三十卷外集四卷

楊萬里字廷秀吉水人初為零陵丞紹興中登進士光宗朝官祕書監出為江東路轉運副使改知贛州請祠不出後以寶文閣待制致仕進寶謨閣學士卒贈光祿大夫謚文節學者稱為誠齋先生有誠齋樂府一卷

袁去華字宣卿奉新人紹興乙丑進士知石首縣有適齋類稿八卷詞一卷

李處全字粹伯淳熙中歷官至侍御史有晦菴詞一卷
張震字東父益寧人自號無隱居士有詞一卷紹興中
高宗嘗命陳俊卿擇文士掌內制俊卿以震及范成大
對孝宗朝官中書舍人一云嘗為諫官

羅願字端良號存齋歙縣人紹興中以廕補承務郎監
臨安新城稅乾道二年登進士第任贛州通判秩滿差
知南劍州改知鄂州所著有爾雅翼及鄂州小集

崔與之字正子廣州人紹興四年進士累官祕書監權

工部侍郎出知成都府進本路安撫使又為廣東路經
略安撫使兼知廣州拜參知政事右丞相皆力辭以觀
文殿大學士致仕封南海郡公卒謚清獻有詩文集

劉克莊字潛夫號後村莆田人以廕補潮州倅遷建陽
令移仙都淳熙中賜同進士出身累官龍圖閣直學士
出為福建路提點刑獄有詞一卷名後村別調

樓鑄字巨山淳熙中知江陰軍

吳玕字居夫汴人憲聖皇后姪太寧郡王益之子乾道

九年特授添差臨安府通判歷尚書郎除知明州兼沿海制置使尋知鄧州再知慶元府淳熙初直學士院慶元中以鎮安節度使守建康遭少保卒謚忠惠所著有雲壑集

趙彥端字德莊宋宗室乾道淳熙間以直寶文閣知建寧府有介菴詞四卷

唐庚字子西眉州丹稜人年十四能詩文紹聖間登進士官博士張商英薦其才除提舉京畿常平商英罷亦

貶惠州有眉山集附詞

管鑑字明仲嘗節鎮嶺表有養拙堂詞一卷

魏子敬有雲谿樂府四卷

甄龍友字雲卿永嘉人紹興中進士官國子監簿嘗遊天竺寺集詩句為大士贊書壁間孝宗臨幸賞之詔侍臣物色其人召見不稱旨遣還

于國寶臨川人淳熙間入太學嘗遊西湖題風入松詞於斷橋酒肆為光堯所見甚加稱賞即日命釋褐有醒

菴遺珠集十卷一作俞國寶

衛元卿洋州人嘗領鄉薦

李石字知幾資陽人紹興中為學官乾道中為郎歷麾節坐論罷有方舟集一云乾道中以薦授太學博士出為成都倅

張鎡字功甫號約齋居士西秦人循王俊諸孫官奉議郎有玉照堂詞一卷

杜旗字伯高號橋齋金華人呂頤浩門下士兄弟五人

並有名譽

劉儼字仙倫廬陵人自號招山翁有招山集樂章一卷

一云名仙掄字叔儼

岳珂字肅之號倦翁忠武王飛之孫敷文閣待制霖之
子官內勸農使知嘉興府歷戶部侍郎淮東總領兼制
置使所著有程史十五卷及金陀粹編籲天辨誣錄玉
楮集諸書

程秘字懷古休寧人紹興四年進士知富陽縣歷官翰

林學士知制誥進寶文閣學士出知福州兼福建路安撫使封新安郡侯以端明殿學士致仕卒贈特進少師系本河北洺川因自號洺川遺民有洺水集詞一卷

王千秋字錫老東平人有審齋詞一卷

程先字傳之休寧人父為團練使以偏師禦金兵於池州殉節死朝議錄其嗣固辭不受隱居東山自號東山隱者所著有東隱集

蘇洵字名叟山陰人有冷然閣集二十卷

關注字子東錢塘人紹興五年進士嘗為湖州教授歷
太學博士自號香巖居士有關博士集二十卷

劉圻父字子寰號篁嶽翁遊朱子之門所著有麻沙集
劉克莊為之序

游次公字子明號西池建安人禮部侍郎操之子范成
大帥桂林以文章見知參內幕

姜夔字堯章鄱陽人流寓吳興自號白石道人嘗進樂
書免解不第而卒有白石詞五卷

劉清夫字靜甫居麻沙

黃師參字子魯號魯菴三山人

章良謨嘉泰中官起居舍人

蔡幼學字行之瑞安人年十八試禮部第一歷官寶謨閣直學士提舉萬壽宮進權兵部尚書兼太子詹事有育德堂集

卓田字稼翁號西山建陽人

蔡柟字堅老號雲壑南城人有雲壑隱居集三卷所著

詞名浩歌集

陸域

王嶠字季夷號貴英北海人寄居吳興有北海集二卷
施乘之號楓溪

王炎字晦叔婺源人登乾道間進士調崇陽主簿張栻
帥江陵聞其賢檄入幕府秩滿授潭州教授改知臨湘
縣積官至軍器監中奉大夫賜金紫封婺源縣男所居
在武水之陽雙溪合流因以自號著有雙溪集

張履信字思順號遊初

周文璞字晉仙號方泉老人淳熙間人

李劉字公甫號梅亭

俞灝

張元祥

羅椅字子遠號澗谷

宋自遜字謙父號壺山南昌人所著樂府名漁樵笛譜

御選歷代詩餘卷一百五

欽定四庫全書

御選歷代詩餘卷一百六

司經局洗馬掌局事兼翰林院修撰加二級臣王奕清奉

百校刊

詞人姓氏

宋

陸游字務觀山陰人以廩補登仕郎歷樞密院編修官
隆興初賜進士出身五為州別駕范成大帥蜀為參議

官嘉泰中詔同修國史實錄陞寶章閣待制致仕自號放翁追封渭南伯有劔南集詞二卷

陳亮字同甫永康人童幼時即為參政周葵上客隆興初婺州以解頭薦上中興五論不報居太學上舍淳熙中更名同復詣闕三上書俱不報紹興四年光宗策進士親擢為第一授簽書建康府判官廳公事未至官而卒端平初賜謚文毅有龍川集詞二卷

劉過字改之襄陽人一云太和人自號龍洲道人嘗客

辛棄疾幕府有龍洲詞一卷

楊炎號止濟翁廬陵人偃蹇仕進悒悒不得志清海有
山曰西樵嘗寓居其中因取以名集樂府一卷亦名西
樵語業

張輯字宗瑞自號東澤鄴陽人受詩法於姜夔長短句
二卷名東澤綺語債

謝懋字勉仲有靜寄居士樂章二卷

黃機

劉鎮字叔安南海人嘉泰二年進士自號隨如子著有
隨如百詠

危稹字逢吉臨川人淳熙十四年進士調南康軍教授
歷官著作郎進屯田郎中忤執政出知潮州被論罷職
久之起知漳州作龍江書院於臨漳臺上後以提舉崇
禧觀致仕所著有巽齋集

吳禮之字子和錢塘人有順受老人詞五卷

劉光祖字德修簡州人登進士第紹興中官侍御史寧

宗立改司農少卿遷起居郎韓侂胄嚴道學之禁光祖
撰涪州學記坐謗訕奪職累起至顯謨閣直學士提舉
西京嵩山崇福宮卒謚文節有鶴林詞一卷

閻丘次杲

馬莊父字子嚴建安人自號古洲居士嘗為岳陽守謨
岳陽志二卷傳於世

劉宰字平國號漫堂金壇人紹熙元年進士調江陵尉
再調真州司法歷浙東倉司幹官告歸監南嶽廟屢徵

不起理宗立召為太常寺丞至吳門拜疏竟歸朝廷嘉其節卒謚文清著有漫塘集三十卷

李洪字子大廬陵人與弟漳泳淦浙並舉進士著李氏花萼集五卷其姪直倫為之序

李漳字子清一作子申

李泳字子永

李淦字子台

李浙字子秀

鄭域字中卿號松牕三山人慶元中隨張貴謨使北著
燕谷剽聞二卷

許棐字忱父海鹽人有梅屋藁及獻醜集俱自為之序
戴復古字式之天台人家於石屏山下因號石屏有石
屏集詞一卷

黃銖字子厚自號穀城翁建安人有穀城集朱熹為序
嚴仁字次山邵武人與同族嚴參嚴羽稱邵武三嚴有
清江欵乃詞一卷

易祓字彥祥長沙人一云字彥章寧鄉人寧宗朝登進士第一累官至禮部尚書有山齋集

趙蕃字昌甫號章泉鄭州人寓信州之玉山以廕補仕嘗受學於劉清之清之守衡州乃求監衡州酒庫以卒業焉旋乞祠歸理宗朝與劉宰同名不赴景定中追謚

文節

趙善扛字文鼎宋宗室別號解林居士

毛升字平仲信安人禮部尚書友之子仕止州倅與尤

袁友善袁嘗為序其集有樵隱詞一卷

洪咨夔字舜俞於潛人嘉定二年進士初受崔與之辟判蜀還朝應詔上書忤史彌遠錮秩理宗親政累遷至吏部侍郎兼給事中進刑部尚書拜翰林學士知制誥加端明殿學士卒贈兩官著有平齋集詞一卷

趙汝迺字叔午樂清人嘉定中進士僉判雷州以詩忤權要謫官

章穎字茂獻臨江軍人淳熙二年試南宮第一歷官禮

部尚書兼侍讀贈光祿大夫謚文肅

郭應祥字承禧號遯齋臨江軍人嘉定中進士嘗官楚越間有笑笑詞一卷

陸淞字子逸號雪牕山陰人左丞佃之孫游之從兄弟嘗官辰州

盧祖皋字申之永嘉人樓鑰之甥一云本邛州人慶元中登進士嘉定中為軍器少監自號蒲江居士有蒲江

集詞一卷

徐照字道暉自號山民永嘉人與翁卷徐璣趙師秀號永嘉四靈有集三卷

高觀國字賓王號竹屋山陰人樂章一卷名竹屋癡語高郵陳造序之

史達祖字邦卿汴人有梅溪詞二卷張鎡序之

韓澆字仲止號澗泉尚書元吉子有澗泉詩餘一卷

汪莘字叔耕休寧人屏居黃山研窮易義傍究韜鈴釋老諸書嘉定中嘗詣闕三上書不報徐誼欲以遺逸薦

不果築室柳溪自號方壺居士有方壺存稿詞二卷

吳潛字毅夫寧國人嘉定十年進士第一淳祐中叅知政事拜右丞相兼樞密使進左丞相封慶國公改封許國公景定初為賈似道所陷安置循州卒追贈少師有履齋詩餘二卷

王邁字實之仙游人嘉定十年以第四人登第官教授為鄭清之所知因論事鐫秩歷判外州清之再相召入為右司郎官卒贈司農少卿

李昂英字俊明番禺人寶慶中進士第三人任臨汀推官累官至吏部侍郎謚忠簡有文溪詞一卷一云名昂英字公昂資州人

史雋之紹定初知江陰軍

章謙亨字牧叔吳興人為鉛山令

趙以夫字用父長樂人端平中知漳州有虛齋樂府二卷

姚鏞字希聲自號雪蓬為吉州判官以平寇功擢守章

貢端平初貶衡陽

陳經國嘉禧淳祐間人有龜峰詞一卷

陳從吉字晞顏金壇人舉進士歷知衡饒信三州入直
祕閣所著有洮湖集

方岳字巨山自號秋崖初門人紹定間鄉薦為別省第
一登徐元杰榜進士累官至吏部侍郎歷知饒撫表三
州加朝散大夫所著有秋崖先生小稿

楊伯崑字彥瞻號泳齋

周晉字明叔號嘯齋

楊纘字繼翁號守齋

翁孟寅字賓暘號五峰

汪暉字處微績溪人開禧中嘗一至闕下不就舉試而歸棲隱山中結廬曰環谷著有環谷存稿里人私謚曰康範先生

趙汝芑字參晦號霞山

馮去非字可遷號深居南昌人淳祐元年進士嘗幹辦

淮東轉運寶祐四年召為宗學諭理宗下詔立石禁三
學諸生上書去非不肯書名遂罷歸

陸叡字景思號雲西

蕭泰來字則陽號小山有集

張榘字方叔潤州人有芸牕詞一卷

連久道字可久漢陽人

趙希邁字瑞行號西里

趙崇邁

洪璚字叔璵自號空同詞客有空同詞一卷

趙崇礪字漢宗號白雲

趙希彭字清中號十洲

王澡字身甫寧海人初名津字子知官太常博士有瓦

全居士詩詞二卷

趙與鉞字慶御號崑崙

樓槃字考甫號曲澗

鍾過字改之號梅心

方千里三衢人有和清真詞

楊澤民樂安人有續和清真詞時人合周邦彥方千里
詞刻之號三英集

尹煥字惟曉號梅津山陰人登進士仕至右司郎官歷
左司有梅津集

馮取洽字熙之延平人自號雙溪翁

陳以莊字敬叟號月溪建安人有月溪集

盧炳字叔陽自號醜齋有映堂詞一卷

沈端節字約之吳興人有克齋詞一卷

潘枋字度堅閩縣人初名公筠夢南臺人持方牛首與之遂易今名端平二年以第三人及第調鎮南軍節度推官歷浙西常平司提舉遷太學正出判潭州有紫岩集

馮艾子字偉壽號雲月取洽子

黃昇字叔暘號玉林有散花庵詞一卷又輯唐宋諸名家樂府為絕妙詞十卷行於世

文及翁字時學號本心緜州人登進士第歷官參知政事

李芸字字耘叟號芳洲昭武人

嚴羽字儀卿邵武人自號滄浪逋客有滄浪集附詞一卷

嚴參字少魯自號三休邵武人

李廷忠字居厚號橘山有樂府一卷

王以寧字周士長沙人歷官宣撫司參謀制置襄鄧有

詞一卷

吳文英字君特號夢窓四明人有夢窓甲乙丙丁稿四

卷

蔣捷字勝欲義興人德祐進士入元不仕學者稱竹山先生有竹山詞一卷


陳允平字君衡號西麓明州人有日湖漁唱二卷

張樞字斗南號寄閒

李演字廣翁號秋堂

邵博字公濟康節之孫著聞見後錄

趙德仁



御選歷代詩餘卷一百六

欽定四庫全書

集部

御選歷代詩餘卷一百七至九

詳校官中書_臣潘有為

侍讀_臣孫球覆勘

總校官進士_臣朱鈺

校對官編修_臣沈清藻

謄錄監生_臣關崇禮

欽定四庫全書卷

御選歷代詩餘卷一百七

司經高洗馬字局事兼翰林院修撰加二級臣王奕清奉

旨校刊

詞人姓氏

宋

周密字公謹濟南人僑居吳興自號弁陽嘯翁又號蕭齋嘗輯南渡以後諸名家樂府為草牕詞選自著有草

牕詞二卷一名蕢洲漁笛譜

王沂孫字聖與號碧山又號中仙會稽人有碧山樂府二卷一名花外集

張炎字叔夏循王俊之後西秦人僑居臨安自號樂笑翁著樂府指迷有玉田詞三卷鄭思肖為之序又有白雲詞八卷

歐良有撫掌詞一卷

石孝友字次仲有金谷遺音一卷

孫惟信字季蕃開封人不樂仕進放浪江湖間自號花翁有花翁詞一卷傳於世

劉褒字伯寵一字春卿武夷人登淳熙進士除司門郎中歷官朝請郎知西全州有集

張樂有梅崖集

張桂字惟月號竹山

張林字去非號樗岩

張景臣

潘希白字懷古號漁莊永嘉人寶祐中登第幹辦臨安
節制司公事德祐中起為史館檢校不赴

湯恢號西村

張矩字子成有梅淵集

趙耆孫

韓粲

翁元龍字時可號處靜

鄭楷

李肩吾字子我號蠓洲

黃蘭字元易號東浦

陳策字汝賈號南墅

李振祖號中山

薛夢桂

毛珣字元白號吾竹

康仲伯

陳郁字藏一著詞腴

覃懷高

趙旭

梅扶字叔茂

丁宥字基重號宏庵

史介翁字吉父號梅屋

周端臣字彥良號葵牕

姚勉號雪坡寶祐元年進士第一有雪坡詞一卷

何光大字謙履號半湖

趙潛字元晉號冰壺

趙淇

楊彥齡

李珏字元輝景定三年進士第一

方有聞字躬明號堂溪歙州人登進士授南豐尉屢遷
司農丞轉運判官兼廬州帥有堂溪集

利登

曹遠

劉瀾字養源號江村

陳德武三山人有白雲遺音一卷

周格非

陳襲善嘗為河朔掾

權無染

丁義叟

張龍榮

呂直夫

王武子一作子武有詞一卷

趙君舉字子發

王文甫德安人

施芸隱嘗應幕府薦

劉鈞國

樓扶字鵬舉

鄭覺齋

王月山

陳草閣

房舜卿

林正大字敬之號隨菴嘉泰時人著有風雅遺音四卷
曾揆字舜卿號嬾翁

黃孝邁字德文號雪舟

江開字開之號月湖

文天祥初名雲孫字天祥寶祐乙卯以字貢於鄉遂改
字宋瑞又字履善吉水人登寶祐四年進士第一歷官

右丞相兼樞密使加少保封信國公為元兵所執留燕
三年不屈遇害有文山樂府一卷

汪元量字大有號水雲錢塘人以善琴供奉內庭為琴
師隨德祐君赴北留燕久之黃冠南歸往來匡廬彭蠡
間有水雲詞一卷

鄧剡字光薦廬陵人一云名光薦字中甫官禮部侍郎
從衛王於海上事亟投水為元兵所得張弘範異之待
以賓禮終不屈節有中齋集

王鼎翁字炎午安福人太學觀化齋生有梅邊遺集附
詞

何夢桂字巖叟初名應祈字申甫淳安人咸淳乙丑省
試第一廷試一甲三名授台州軍事判官累官至大理
寺卿引疾去至元中屢徵不起築室小酉源自號潛齋
有潛齋集詞一卷

梁棟字隆吉其先湘州人生於鄂州後遷鎮江第進士
選寶應簿調錢塘仁和尉入帥幕旋避地建康歸武林

晚依弟柱於茅山以終

李南金自號三溪冰雪翁第進士

儲泳

徐一初

莫崙字若山

劉辰翁字會孟號須溪廬陵人第進士入元不仕所著有須溪集

黃公紹字直翁邵武人咸淳進士元初隱居樵溪著有

韻會舉要行世

李彭老字商隱號篔房有篔房詞

李萊老字周隱號遯翁彭老之弟有秋崖詞

王億之字景陽號松澗

余桂英字子發號野雲

胡仲弓字希聖號葦杭

尚希尹字莘老號畏齋

柴望字仲山號秋堂

朱藻號野逸

黃鑄字晞顏號乙山

王同祖字與之號花洲

王茂孫字景周號梅山

王易簡字理得山陰人

馮應瑞字祥父號友竹

唐藝孫字英發有瑤翠山房稿

呂同老字和甫號紫雲

練恕可字行之越州人

朱鼎孫字令則號萬山

吳大有字有大號松壑

趙崇霄字有得號蓮壘

范晞文字景文號葯莊

鄭斗煥字丙文號松牕

曹良史字之才號梅南

董嗣杲

趙與仁字元父號學舟

趙汝鈞字真卿號月洲

王奕字伯敬號斗山玉山人自號至元逸民有集十二卷梅岩雜咏七卷皆散失僅存東行斐稿三卷

唐珏字玉潛號菊山越州人至元間與林景熙同為採藥之行潛瘞諸陵遺骨樹以冬青謝翱作冬青引紀之汴人袁俊官越延致之為買田宅以給焉

李居仁字師呂號五松

王夢應字靜得攸縣人咸熙中進士調廬陵尉德祐末起兵勤王以義烈著

譚宣子字明之號在庵

陳逢辰字振祖號存義

范端臣字元卿

姚卞

樓采字君亮

沈剛孫

湯彌昌字師言瑞安州判官有碧山類稿

奚倬然字秋崖

趙聞禮字立之有釣月軒詞

趙必瑒官參軍僉書有秋曉詞

陳紀咸淳進士

陳先

東從周合肥人

李震廬陵人

李銓

史可堂

鄭子玉

施嶽字仲山有梅川詞

宦者

裴湘字楚老仁宗時內官有肯堂集

失名

寇寺丞

陳參政

杜郎中

德祐太學生

上清蔡真人

于真人

馮全真

乩仙

方外

惠洪字覺範姓喻氏新昌人試經得度與張商英善郭
天信奏賜寶覺圓明禪師政和初坐交張郭配崖州赦
還著有筠溪集冷齋夜話石門文字禪皆行於世

祖可字正平丹陽人蘓堅之子有惡疾號癩可住廬山
與陳師道徐俯謝逸入江西詩社詞名東溪集

揮字仲殊姓張氏安州人嘗舉進士後棄家為僧居杭
州吳山寶月寺嘗中蠱食蜜得解東坡因呼為蜜殊詞
七卷名寶月集

皎字如晦

葛長庚閩人一云瓊州人自名白玉蟾入武斡山修道
嘉定中徵赴闕館太一宮封紫清明道真人尋別衆於
霍林羽化有海璫集詞二卷

閨媛

盧氏天聖中人父為縣令隨之官後歸自漢州過泥溪
驛題詞壁上

舒氏武弁女適樞密王巖叟弟齊叟以齊叟失禮婦翁

竟至離絕

魏氏南豐曾布妻紆之母封魯國夫人

蘇氏門下侍郎頌之妹其先同安人徙居潤之丹陽長於文翰世稱延安夫人

李清照自號易安居士濟南李格非之女適東武趙挺之仲子明誠有漱玉集一卷

阮氏阮逸之女

幼卿宣和中武弁妻隨官陝石題浪淘沙一詞於驛壁

吳淑姬嫁士人楊子治有詞五卷名陽春白雪

朱淑真錢塘人與曾布妻魏氏為詞友有斷腸集詞一

卷

蔣氏義興人父興祖知陽武縣殉節其女被掠過雄州

驛題詞壁間一云浙西人

鄭氏名意娘楊思厚妻被擄不辱以節烈稱

珍娘

梁意娘梁蕭湖女適李生

慕容崑卿妻

孫道絢號冲虛居士黃銖之母著詞甚富晚以火燬有
流傳人口者銖復訪求得之手錄以藏云

蟾英諸葛章妻

吳氏鄭禧姬

曹希蘊有咏燈花傳於世

孫氏秀州人太學服膺齋上舍鄭文妻

紫竹大觀中人適秀才方喬

王瑩卿蜀人王通判女

王氏妾名飛紅

劉彤字文美適章文虎

陶氏

孫氏建安黃雲軒妻

陸氏姬名美奴陸藻侍兒

陸游妾驛卒之女游之蜀宿一驛中見題壁詩詢知之
遂納為妾

趙秋官妻有題岐陽郵亭壁詞一首

劉鼎臣妻婺州人鼎臣就省試於行都其妻自製彩花
一枝為贈并侑以鷓鴣天詞

金淑柔寶祐中題詞於臨川驛壁

張淑芳賈似道妾後為尼

章麗真宋宮人隨謝太后入燕有送汪元量南歸詞

金德淑宋宮人後歸章丘李生

妓女

琴操杭州妓後為尼

湘江妓有侑舒亶詞

盼盼瀘南妓

聶勝瓊長安妓後歸李之問

陳鳳儀成都妓

僧兒廣漢妓

平江妓

趙才卿成都妓

嚴蕊字幼芳天台妓後歸一宗子家作妾

朱秋孃

女仙

玉英蓬萊仙人

吳城小龍女黃庭堅登荊州亭見柱間一詞夜夢一女
子云有感而作庭堅驚悟曰此必吳城小龍女也

赤城韓夫人紹興間都下有一烏衣椎髻女子歌詞九
闋皆非人世語或記之以問一道士道士驚曰此赤城

韓夫人所製水府蔡真君法駕導引也

曹仙姑

衛芳華永嘉滕穆僑居臨安嘗月夜游聚景園遇一女
鬼自言是衛芳華宋理宗朝故宮人

紫姑乾道中吳興周權知衢州西安縣令術士沈延年
邀致紫姑神賦牡丹詞限以險韻頃刻而成

御選歷代詩餘卷一百七

欽定四庫全書

御選歷代詩餘卷一百八

司經局洗馬掌局事兼翰林院修撰加二級臣王奕清奉

旨校刊

詞人姓氏

金

章宗諱璟顯宗子大定末年以太孫繼大統在位二十
年典章文物粲然一新天姿超悟兼工詩詞歸潛志載

其擘橙為軟金杯及聚扇二詞

完顏璫字仲寶一字子瑜世宗之孫越王永功子自號
樗軒居士封密國公宣宗南渡以開府儀同三司奉朝
請自刊其詩三百首詞百首名如菴小集趙秉文序之
宇文虛中字叔通成都人仕宋為黃門侍郎資政殿學
士天會中奉使至金留掌詞命天眷皇統間歷官翰林
學士承旨封河內郡開國公為人恃才輕肆好譏訕卒
以此得罪

吳激字彥高建州人宋宰相棧之子米芾之婿使金被
留累官翰林待制皇統初出知深州到官三日卒有東

山詞一卷

蔡松年字伯堅父靖於宣和末為真定府判官遂家真
定松年仕金累官吏部尚書參知政事遷尚書左丞封
鄯國公進拜右丞相加開府儀同三司又封衛國公卒
加封吳國公謚文簡樂府推伯堅與吳彥高號吳蔡體
自號蕭閒老人有蕭閒公集六卷

蔡珪字正甫松年子七歲賦菊詩大德三年進士授澄
州軍事判官遷三河主簿入為翰林修撰同知制誥改
戶部員外郎太常丞大定中由禮部郎中封真定縣男
除濰州刺史道卒有詞一首附蕭間公集後

劉仲尹字致君號龍山蓋州人後遷沃州正隆二年進
士歷官潞州節度副使召為都水監丞有龍山集

高士談字子文一字季默宋韓武昭王瓊之後宣和末
任忻州戶曹參軍仕金為翰林直學士宇文虛中以圖

書得罪連及士談時論惜之所著有蒙城集

元德明秀容人拓拔魏之後裔累舉不第放浪山水間
有東巖集子好問最知名

趙可字獻之高平人貞元二年進士仕至翰林直學士
有玉峰散人集

鄧千江臨洮人

任詢字君謨號南麓易州軍市人父貴遊江浙生詢於
處州登正隆二年進士歷省掾大名總幕益都都司判

官北京鹽使課殿降泰州節廳致仕

李晏字致美高平人皇統二年經義進士釋褐臨汾丞
稍遷遼陽幕官以文章受知於世宗召入館閣歷官翰
林直學士御史中丞章宗立進禮部尚書翰林學士承
旨出為沁源軍節度使改昭義軍節度使明昌中致仕
卒謚文簡

劉迎字無黨東萊人初以廕試郡掾大定十三年以薦
對策第一明年登進士除幽王府記室改太子司經卒

章宗即位追錄舊學功賜其子國樞進士迎自號無諱居士所著詩文樂府名山林長語詔國學刊行之

党懷英字世傑其先馮翊人徙家泰安宋太尉進十一世孫試東府取解魁登大定十年進士調成陽軍事判官汝陰令入為史館編修應奉翰林學士出為太定軍節度使名為翰林學士承旨纂修遼史卒謚文獻有竹谿集

王庭筠字子端蓋州熊岳人大定十六年進士治劇有

聲明昌中召入館閣承安中坐言者謫鄭州幕官復應
奉稍遷翰林修撰卒嘗讀書黃華山寺自號黃華老人
景覃字伯仁華陰人病不就舉隱居西陽里中以種樹
為業自號渭濱野叟

王礪字逸濱先世臨洺人至礪徙家汴梁明昌中丞相
馬惠廸以德行才能薦詔授鹿邑主簿就乞致仕趙秉
文嘗刻七家詩名曰明昌詞人雅製礪其一也

趙秉文字周臣滄陽人大定二十五年進士入翰林明

昌中因言事免官起為同知岢嵐軍事轉北京路轉運
司度支判官泰和二年改戶部主事翰林修撰出為寧
邊州刺史改平定州貞祐四年除翰林侍讀學士轉侍
讀興定中拜禮部尚書知集賢院自號間間居士所著
有滄水集

孟宗獻字友之開封人大定三年鄉府省御四試皆第
一天下號孟四元除供奉翰林轉曹王府文學兼記室
尋授同知單州軍州事丁內憂哀毀卒自號虛靜居士

王特起字正之崞縣人泰和中登進士甲科調真定府錄事參軍改沁源令終於司竹監使

韓玉字溫甫北平人明昌五年中經義詞賦兩科進士入翰林為應奉文字泰和中授同知陝州東路轉運使事鳳翔府判官大安中夏人犯邊陝西帥府檄為都統或誣其有異謀收鞠死有東浦詞一卷

劉昂字次霄濟南人同時先有一劉昂故號為小劉昂承安間進士歷鄆鄒平二縣令

張行信字信甫一名行忠莒州人大定間進士南渡後
官禮部尚書參知政事出鎮邠鄜涇三州正大初召拜
左丞尋致仕葺園池於汴城東築亭曰靜隱

趙元字宜之一名宜祿定襄人幼舉童子科後調鞏西
簿以病失明去官自號愚軒居士南渡後往來洛陽西
山中所著有愚軒詞

高憲字仲常遼東人王庭筠之甥泰和中登進士乙科
仕至博州防禦判官

許古字道真河間人承安中進士宣哀之世屢為諫官
竟以左司諫致仕卜居伊陽郡守為建伊川亭

辛愿字敬之福昌人年二十五始杜門讀書學成不仕
隱居女几山下使其子躬耕以給時往來長水永寧間
自號女几野人又號溪南詩老

王子可字南雲吉州人嘗為卒伍南渡後居郟蔡間衣
皮衣露雙膝插花盈頭額上繫一銅片如月所言皆誕
詭莫可測為詩多奇語然皆不成篇人以其衣短號曰

哨腿王又呼為王赤腿云

李獻能字欽叔河中人貞祐間廷試第一入翰林為應奉文字尋出為鄜州觀察判官用薦復應奉俄遷修撰以鎮南軍節度副使充河中經歷河中陷走陝州被召不能赴權就陝府行省左右司郎中後歿於陝軍

雷淵字希顏一字季默渾源人至寧初進士累官監察御史遷太常博士調南京轉運使戶籍判官終翰林修撰

馮延登字子俊吉州人承安間中詞賦進士令寧邊南渡後為太常博士累遷吏部郎中翰林待制奉使入元抗節不屈二年乃歸遷祭酒歷禮吏二部侍郎權刑部尚書天興末殉節

王渥字仲澤太原人少入太學興定二年進士調管州司候不赴連辟壽州商州武勝三府經歷官令寧陵召為省掾使宋歸為太學助教充樞密院經歷官遷右司都事天興中出援武仙戰歿

高永字信卿自號應菴漁陽人初名夔字舜卿又名揆
累舉不第正大末上書不報終於汴京

折元禮官治中

趙攄字子充宛平人官翰林自號醉全道人

劉著字鵬南皖城人宋宣政間進士入金歷仕州縣年
六十餘始入翰林充修撰出守武遂終于忻州刺史自
號玉照老人

段克己字復之河東人世居絳之稷山少時與弟成己

俱有文名趙秉文目之曰二妙大書雙飛二字名其里
金末登進士入元不仕與成已避地龍門山中有遯齋
樂府一卷

段成已字誠之克已弟正大間進士授宜陽主簿克已
歿後自龍門山徙居晉寧北郭閉戶讀書元世祖召為
平陽儒學提舉官不赴有菊軒樂府一卷

李俊民字用章號鶴鳴老人唐韓王元嘉之後家於澤
州承安中舉經義進士第一應奉翰林文字未幾棄官

隱於嵩山元世祖以安車召見延訪無虛日遽乞還山
卒賜謚莊靖先生有莊靖遺集

元好問字裕之太原秀容人德明之子少從陵川郝天
挺學登興定三年進士不就選往來箕潁者數年除南
陽令調南鄉遷尚書省掾左司都事員外郎天興初入
翰林知制誥金亡不仕世稱遺山先生嘗輯金人長短
句一帙名中州樂府其所自著者錢塘凌雲翰編集之
為遺山樂府

選歷代詩餘卷一百八

欽定四庫全書

御選歷代詩餘卷一百九

司經局洗馬掌局事兼翰林院修撰加二級

臣

王奕清奉

旨校刊

詞人姓氏

元

耶律楚材字晉卿廣寧人其先本遼裔父履金右丞章宗南渡楚材留燕為左右司員外郎元太祖定燕聞其

欽定四庫全書

御選歷代詩餘

名名置左右屢從征伐日見親用太宗朝拜中書令先
後歷仕三十餘年至順初追封廣寧王謚文正有湛然
居士集

許衡字仲平河內人從柳城姚樞學得程朱氏之傳隱
居蘇門被召為京兆提學累官中書左丞集賢大學士
兼國子祭酒領太史院事凡朝儀官制及授時歷皆其
所定也贈榮祿大夫司徒謚文正至大中加贈太傅開
府儀同三司魏國公皇慶中從祀孔子廟庭有魯齋集

附詞

張弘範字仲疇河內人蔡國公柔之子中統初授行軍
司馬進順天路管民總管累官至鎮國上將軍江東道
宣慰使蒙古漢軍都元帥贈銀青榮祿大夫平章政事
謚武略至大四年加贈太師開府儀同三司上柱國齊
國公改謚忠武延祐六年加封淮陽王更謚獻武有淮
陽詞一卷

劉秉忠字仲晦邢州人少為僧隨其師海雲入見世祖

遂留侍左右人稱為聰書記至元初更今名拜光祿大夫太保叅預中書省事卒贈太傅封趙國公諡文貞成宗時加贈太師諡文正仁宗時進封常山王有藏春散人集

燕公楠字國材江州人一云建昌人至元初辟贛州通判累官資德大夫河南江浙湖廣行省右丞有五峰集拜珠安圖之孫延祐中累官大司徒金紫光祿大夫開府儀同三司至治初拜中書平章政事進右丞相為達

實所害泰定初追封東平王謚忠獻

程鉅夫名文海避武宗諱以字行先世自休寧徙郢至鉅夫始遷建昌世祖時以質子入見擢應奉翰林文字進修撰拜侍御史奉詔求賢江南薦趙孟頫等二十餘人累擢翰林學士承旨叅知政事皇慶初致仕泰定中追贈光祿大夫楚國公謚文憲有雪樓集詞一卷

盧摯字處道號疎齋涿州人元初官翰林學士有疎齋集

劉敏中字端甫濟南人至元中由中書掾擢兵部主事
拜監察御史劾權相僧格罷歸尋起為御史臺都事累
官至翰林學士承旨追封齊國公謚文簡有中齋集

楊果字正卿號西菴蒲陰人金正大初進士入元為河
南課稅及經略司幕官中統初擢北京宣撫使拜叅知
政事至元六年出為懷孟路總管卒謚文獻有西菴集
行於世

仇遠字仁近一字仁父錢塘人宋咸淳中與白珽同以

詩名人謂之仇白張雨張翥皆出其門元至元中部使者強起之為溧陽州學教授尋以杭州知事致仕自號近村又號山村民有山村遺稿

李治字仁卿樂城人金進士嘗知鈞州元初避地忻崕間世祖聞其賢召見之終不仕晚家元氏封龍山下至元初再以學士召就職期月以老病辭歸有敬齋集

王暉字仲謀汲縣人中統初姚左丞樞宣撫東平辟為詳議官擢中書省詳定官轉翰林修撰同知制誥兼國

史院編修官至元中歷監察御史出為平陽路判官歷
河南北燕南山東諸道提刑按察副使進福建閩海按
察使擢翰林院學士大德五年求退得請歸八年卒贈
翰林學士承旨資善大夫追封太原郡公謚文定有秋
澗集詞四卷

趙孟頫字子昂宋秦王德芳之後四世祖秀王子偁實
生孝宗賜第湖州遂為湖州人宋末為真州司戶叅軍
至元中以程鉅夫薦授兵部郎中遷集賢直學士出同

知濟南總管府歷江浙等處儒學提舉延祐中累擢翰林學士承旨榮祿大夫得請歸至治初卒追封魏國公謚文敏有松雪詞一卷

劉因字夢吉一名駟字夢驥容城人至元中徵為承德郎右贊善大夫以母疾乞歸復以集賢學士嘉議大夫召固辭卒贈翰林學士資善大夫護軍追封容城郡公謚文靖有樵菴詞一卷

梁曾字貢父燕人中統四年辟為令史累進兵部吏部

尚書賜三珠金虎符兩使安南歷雲南河南湖廣行省
叅知政事進集賢侍講學士

陳孚字剛中號笏齋臨海人至元中以布衣上大一統
賦署上蔡書院山長調翰林國史院編修官攝禮部郎
中副梁曾使安南還除翰林待制兼國史院編修官出
為建德路總管府治中再遷衢州秩滿授奉直大夫台
州路總管府治中有觀光交州玉堂諸稿

汪宗臣字公輔號紫巖婺源人有紫巖集附詞

姚雲文字聖瑞高安人宋咸淳進士入元授承直郎撫
建兩路儒學提舉有江村遺稿

詹正一作玉字可大別號天游邳人官翰林學士

白樸

蒲道源字得之號順齋自耆州徙居興元嘗為郡學正
罷歸晚以遺逸徵入翰林改國子博士歲餘引去起提
舉陝西儒學不就卒以仲子機貴贈祕書少監有順齋

詞

吳澄字幼清晚稱伯清撫州崇仁人生三歲授詩成誦
五歲日記千餘言弱冠領鄉薦避地布水谷纂次諸經
修正大小戴記至元二十三年侍御史奉詔求賢江南
徵至京師以母老辭歸大德初起應奉翰林文字除江
西儒學副提舉三月移疾去至大初召為國子監丞皇
慶改元進司業謝歸英宗即位拜翰林學士同修國史
泰定初為講官英宗實錄成亟命小車出都遣官驛追
不及加授資善大夫卒贈江西行省左丞臨川郡公謚

文正有草廬詞一卷

彭元遜字弇吾廬陵人

羅志仁號壺秋涂川人

韋居安號梅澗

李琳號梅谿長沙人

趙文字儀可一字惟恭號青山廬陵人初名宋永與從弟宋安以文章齊名嘗三貢於鄉由國學上舍為南雄府教授宋亡隱居不仕當路強起為東湖書院山長再

授清江儒學教授

王義山字元高富州人宋景定壬戌廷試乙科授永州司戶累遷通判瑞安軍至元庚辰行省禮聘之使掌江西學事辛巳退老東湖之上名其堂曰君子扁其廬曰稼村學者稱稼村先生所著有稼村類藁

宋遠號梅洞涂川人

周景字秋陽南陽人

劉將孫字尚友廬陵人辰翁之子

蕭列號高峰涂川人

司馬昂父字九臯

應法孫

王學文號竹澗者山人

彭芳遠

危復之撫州人元帥郭昂薦為儒學官不就至元中累徵不應隱紫霞山中卒私謚貞白先生

顏奎字子俞號吟竹太和人

劉景翔號溪山安成人

吳元可字山庭吉安人

劉鉉字鼎玉

蕭允之號竹屋

黃子行號蓬甕

彭履道

李裕翁

段弘章號懶融吉州人

劉天迪字雲間西昌人

周伯陽字霽海

尹公遠號琴泉

曾允元字舜卿號鷗江太和人

李天驥字次飛廬陵人

劉應幾字定叟安成人

周孚先號梅心西昌人

尹濟翁字澗民吉州人

王從叔號山樵廬陵人

蕭漢傑號吟所吉水人

彭泰翁字會心安福人

趙功可

戴山隱

姜介翁

歐陽立字原功先世自廬陵遷瀏陽八歲能屬文延祐乙卯以鄉貢首薦登進士第除同知平江州事調蕪湖

武岡二縣尹名為國子博士遷翰林待制天厯初授藝文少監纂修經世大典至正初以學士告歸詔修宋遼金三史起為總裁官拜翰林學士承旨屢乞休不允卒贈大司徒柱國楚國公謚曰文有圭齋集

馮子振字海粟攸州人仕至承事郎集賢院待制自號瀛州客

虞集字伯生號邵菴崇仁人宋丞相允文五世孫以薦為大都路儒學教授歷國子助教博士累官祕書少監

翰林直學士兼國子祭酒天曆中除奎章閣侍書學士
命修經世大典進侍講學士卒贈江西行中書省叅知
政事封仁壽郡公謚文靖有道園學古錄詞一卷

鮮于樞字伯機漁陽郡人至元間以材選為浙東宣慰
司經歷改江浙行省都事遷太常典簿晚年謝客營一
室曰困學齋自號困學民又號直寄老人有困學齋集
宋棻字顯夫宛平人登泰定甲子進士除祕書監校書
郎累官監察御史遷國子司業進翰林直學士兼經筵

講官卒贈范陽郡侯謚文清有燕石集附詞

劉詵字桂翁自號桂隱廬陵人隱居教學屢薦不起有
桂隱集附詞

曹伯啓字士開碭山人以薦擢西臺御史歷司農丞集
賢學士御史臺侍御史泰定初引年歸天歷中召為淮
東廉訪使陝西諸道行御史臺中丞不起卒於毘陵贈
行中書左丞上護軍追封魯郡公謚文貞有漢泉漫稿
詞一卷

許有壬字可用湯陰人年二十暢師文薦入翰林不報授開寧路學正登延祐二年進士第累官叅議中書省事元統二年拜叅知政事至正中轉中書左丞六年召為翰林學士承旨改御史中丞以病歸起河南行省左丞十五年遷集賢大學士復拜中書左丞尋兼太子左諭德十七年致仕卒謚文忠有圭塘小稿詞一卷

許有孚字可行登進士第授湖廣儒學副提舉歷中憲大夫同僉太常禮儀院事兄有壬嘗得康氏園池出所

賜金買之名曰圭塘別墅偕楚人馬熙及子弟觴詠其中
有孚哀其唱和之作為圭塘欵乃集

馬熙字明初衡州人官右衛率府教授嘗與許有壬兄
弟唱酬所著樂府附圭塘雜詠後

許楨字元幹有壬子以門功補太祝應奉翰林所著見
圭塘欵乃集中

薩都拉字天錫號直齋本達實密氏祖父以勲留鎮雲
代遂為雁門人登泰定丁卯進士第除應奉翰林文字

出為燕南經歷擢御史於南臺以彈劾權貴左遷鎮江
錄事歷閩海廉訪司知事進河北廉訪司經歷有鴈門
集詞一卷

張翥字仲舉晉寧人嘗學於李存仇遠之門以隱逸薦
至正初召為國子助教分教上都尋退居淮東會修宋
金遼三史起翰林國史院編修官累遷太常博士國子
祭酒集賢學士以翰林學士承旨致仕博囉特穆爾強
翥草詔不可博囉誅以翥為河南行省平章政事仍翰

林承旨致仕給全俸終其身有蛻巖樂府三卷

李孝光字季和樂清人隱居雁蕩山五峰下至正七年
詔徵隱士以祕書監著作郎名赴京進孝經圖說順帝
大悅賜上尊明年陞文林郎祕書監丞卒於官有五峰
詞

袁易字通甫長洲人嘗為徽州路石洞書院山長有靜
春堂詞一卷

沈禧字廷錫吳興人有竹牕詞一卷

洪希文字汝質莆田人父巖虎有集名軒渠希文侍父
居山中著詞一卷號續軒渠集

張埜字埜夫邯鄲人有古山樂府二卷

吳鎮字仲圭嘉興人書做楊凝式畫出關荆董巨少師
事柳天驥隱於武塘垂簾賣卜所居曰梅花菴自署梅
花菴主又號梅花道人

倪瓚字元鎮無錫人工畫性好潔所居有雲林堂蕭閒
館清閤閣至正間知天下將有事盡鬻其家產以與貧

交疎族扁舟箬笠往來湖泖間自稱懶瓚亦稱倪迂有
清閼閣遺藁詞一卷

顧德輝字仲瑛別名瑛又名阿瑛崑山人舉茂才署會
稽教諭辟行省屬官皆不就避張士誠之辟斷髮廬墓
自稱金粟道人至正末以子貴封武略將軍飛騎尉錢
塘縣男所著有玉山璞附詞一卷

陶宗儀字九成台州人流寓松江有南村集

汪斌字以質績溪人有雲坡集

邵亨貞字復孺號清溪華亭人有蛾術詞選四卷

沈景高烏程人

羅慶

唐桂芳字仲實新安人以薦授崇安縣教諭遷南雄路儒學正學者稱白雲先生所著有武夸藁

凌雲翰字彥珣錢塘人領至正己卯鄉薦授紹興路蘭亭書院山長不赴退居吳興梅林村號避俗翁有柘軒

集詞一卷

楊樵雲涂川人

周玉晨字晴川邦彥從孫

張半湖

蕭東父

黃水村

白无咎

許謙字益之金華人受業金履祥之門延祐間隱居東陽入華山屢薦不起自號白雲山人卒賜諡文懿有白

欽定四庫全書



御選歷代詩餘

卷一百七

十五

雲集

張可久字伯遠號小山慶元人以路吏轉首領有小山樂府二卷

喬吉字夢符太原人有惺惺道人樂府一卷

何繼高字佐昌至正八年進士知嵩明州

陳深字子微平江人天歷間屢薦不出自號清全有寧極齋藁

趙雍字仲穆孟頫仲子以廕守昌國海寧二州歷遷至

翰林院待制

王德璉字國器吳興人趙孟頫婿

孟昉字天偉本西域人寓北平至正中為翰林待制後官至江南行臺監察御史

舒頔字道原績溪人至元丁丑辟貴池教諭轉台州學正歸隱華陽山中自號華陽逸者屢聘不出顏其居曰貞素齋自作貞素先生傳有集

舒遜字士謙頔之弟所著名搜枯集

劉忠之

何可視字思明嘉興人隱居不仕自號爛柯樵者

袁華字子英崑山人

于立字彥成南康人學道會稽山中

陸仁字良貴河南人

張遜

石民瞻潤州人

郊韶字九成吳興人至正中嘗辟試漕府掾自號雲臺

散吏又號茗溪漁者有雲臺集

柯九思字敬仲號丹邱天台人文宗時為奎章閣鑒書
博士

王逢字原吉江陰人至正中嘗作河清頌累薦不起隱
居江上之黃山自稱席帽山人尋避地無錫梁鴻山又
遷松之青龍江名所寓曰梧溪精舍自稱梧溪子蓋以
大母徐嘗手植雙梧於故里之橫江也又徙上海之烏
涇築草堂以居號最閒園丁有梧溪集

何景福字介夫淳安人別號鐵牛翁隱居不仕有介夫集

梁寅字孟敬新喻人元末累舉不第辟集慶路儒學訓導隱居教授明初徵至京修禮書書成辭疾歸結廬石門山學者稱為梁五經

錢抱素字素菴

錢應庚字南金抱素之弟

吳瓘字瑩之號竹莊

王蒙字叔明吳興人德璉之子趙孟頫外孫別號黃鶴
山樵工畫元末官理問明洪武初為泰安州知州

劉雲寰

王燧吳人

張翥嘉興人

金綱嘉興人

王容溪

龍端是

龍紫蓬

失名

傅按察

方外

丘長春初名處機字通密號長春登州栖霞人年十九為全真師王真人喜於海上戊申召見闕下隨還終南山已卯元太祖遣近侍迎至雪山之陽延問至道癸未東還賜號神仙爵大宗師居燕太極宮改名長春丁亥

卒有磻溪集六卷

張雨字伯雨一名天雨號貞居子錢塘人宋崇國公九
成之裔年二十徧遊名山棄家為道士居茅山自號句
曲外史有貞居詞一卷

滕賓字玉霄睢陽人官江西儒學提舉後入天台為道
士稱涵虛子有詞一卷

閨媛

管道昇字仲姬趙孟頫妻能詩工書畫竹尤妙

王秋英

妓女

劉燕哥



御選歷代詩餘卷一百九